

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.04.2018թ. թիվ 1807945164 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<01>> 06 2018թ. 17-13-58900-18/17-13-1234

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյան, վերանայելով Աշոտ Արամի Կարապետյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Գ. Նժդեհ փողոցի 13 շենք 50 բնակարանի բնակիչ Աշոտ Արամի Կարապետյանը դիմումով հայտնել է, որ 08.04.2018թ-ին՝ ժամը 15:07-ին <<RENAULT>> մակնիշի 989 OZ 61 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 16.04.2018թ. թիվ 1807945164 որոշումը՝ նշելով, որ նա կանգառ կատարել է ուղևորներին և ուղեբեռը իջեցնելու նպատակով:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Աշոտ Արամի Կարապետյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ Սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործման արգելող անսարքությունների ու պայմանների ցանկը սահմանելու մասին>> թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Իրավախախտումն ամրագրած տեսանյութը, որը կազմում է 80 վայրկյան՝ փաստում է, որ դիմումատուին պատկանող տրանսպորտային միջոցը տեղակայված է երթևեկելի մասի երկրորդ շարքում:

Նշված կանոնների կատարումը, անկախ տարածքը համապատասխան ճանապարհային նշանով կահավորված լինելու և այն տեսանկարահանող սարքերի կողմից հսկվելու հանգամանքից, բոլոր տրանսպորտային միջոցների վարորդների պարտականությունն է, իսկ դրա մասին չիմանալը չի կարող անձին ազատել վարչական պատասխանատվությունից:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Աշոտ Արամի Կարապետյանի՝ Ճանապարհային ոստիկանության վարչական տույժ նշանակելու մասին 16.04.2018թ. թիվ 1807945164 որոշման հիմքում դրված փաստական հանգամանքների դեմ բերված գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Աշոտ Արամի Կարապետյանի անվամբ կայացնել նոր վարչական ակտ:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Աշոտ Արամի Կարապետյանին և ՃՈ ՏՄՀԽԱ կենտրոն: